



Mehanizam za međunarodne krivične sudove ("MMKS" ili "Mehanizam") osnovao je Savjet bezbjednosti Ujedinjenih nacija 22. decembra 2010. da nastavi nadležnosti, prava, obaveze i ključne funkcije Međunarodnog krivičnog suda za Ruandu ("MKSJ") i Međunarodnog krivičnog suda za bivšu Jugoslaviju ("MKSJ") nakon okončanja njihovih mandata.

PODACI O PREDMETU

Trenutno je u bjekstvu osam osoba protiv kojih je MKSR podigao optužnice za učesće u genocidu u Ruandi 1994. godine. Mehanizam ima nadležnost nad sljedećom trojicom optuženih: Augustinom Bizimanom, Félicienom Kabugom i Protaisom Mpiranyom. Vlastima u Ruandi proslijeđeni su predmeti protiv preostalih pet bjegunaca: Fulgencea Kayisheme, Charlesa Sikubwabo, Aloya Ndimbatija, Ryandikayoa i Phénéasa Munyarugame. Još jedan bjegunac čiji je predmet proslijeđen u Ruandu, Ladislas Ntaganzwa, uhapšen je u Kongu 9. decembra 2015.

MICT-12-23

BJEGUNAC - FULGENCE KAYISHEMA



Fulgence Kayishema je bio inspektor policije u okrugu Kivumu, prefektura Kibuye, u Ruandi, u vrijeme kada su počinjeni zločini navedeni u optužnici

Godina i mjesto rođenja	1961., okrug Kivumu, prefektura Kibuye, Ruanda
Optužnica	Važeća optužnica podignuta 5. jula 2001.
Status predmeta	U bjekstvu od 5. jula 2001.

ISTORIJAT POSTUPKA

OPTUŽNICA

Fulgence Kayishema je pred MKSR-om optužen za genocid, saučesništvo u genocidu, udruživanje radi vršenja genocida i istrebljivanje kao zločin protiv čovječnosti, počinjene u okrugu Kivumu, prefektura Kibuye, u Ruandi, od 6. do 20. aprila 1994., u vrijeme kada je bio policijski inspektor na tom području.

Prema navodima optužnice, Kayishema je odgovoran za ili je, alternativno, bio saučesnik u ubijanju ili nanošenju teških tjelesnih ili duševnih povreda pripadnicima plemena Tutsi u periodu od 6. aprila 1994. do 20. aprila 1994, ili tih datuma, u okrugu Kivumu, prefektura Kibuye, s namjerom da se, u cijelosti ili djelimično, uništi rasna ili etnička grupa. U optužnici se nadalje navodi da se Kayishema, zajedno s određenim drugim osobama, udružio radi počinjenja genocida u periodu od 6. aprila 1994. do 20. aprila 1994, odnosno tih datuma, u okrugu Kivumu, prefektura Kibuye, ubijanjem ili nanošenjem teških tjelesnih ili duševnih povreda pripadnicima plemena Tutsi s namjerom da se, u cijelosti ili djelimično, uništi rasna ili etnička grupa.

U optužnici se takođe navodi da je 15. aprila 1994. ili približno tog datuma, Kayishema naredio ili planirao, podržavao i ohrabrivao uništenje crkve u mjestu Nyange, u okrugu Kivumu, u kojoj je bilo zatvoreno više od 2.000 Tutsija, što je za posljedicu imalo njihovu smrt. U optužnici se navodi da je nakon što je crkva uništena, većina Tutsija u okrugu Kivumu ubijena, a u julu 1994. u tom okrugu nije ostao nijedan Tutsi.



Optužnica sadrži sljedeće optužbe:

Jedna tačka za genocid (tačka 1)

Jedna tačka za saučesništvo u genocidu (tačka 2)

Jedna tačka za udruživanje radi vršenja genocida (tačka 3)

Jedna tačka za zločine protiv čovječnosti

- Istrebljivanje (tačka 4)

PROSLJEĐIVANJE PREDMETA U RUANDU

Dana 22. februara 2012., Vijeće za prosljeđivanje MKSR-a naložilo je da se predmet protiv Fulgencea Kayisheme prosljedi vlastima Republike Ruande.

Dana 7. maja 2014., sudija Vagn Joensen, sudija-pojedinac, izdao je nalog za hapšenje i nalog za prebacivanje kojima se od svih država članica UN-a traži da lociraju, uhapsu i predaju Kayishemu u nadležnost Državnog javnog tužilaštva Republike Ruande.

U skladu s Rezolucijom Savjeta bezbjednosti 1966 (2010), sve države imaju obavezu da sarađuju s MMKS-om na lociranju, hapšenju, pritvaranju, predaji i prebacivanju optuženih koji su još u bjekstvu.